



# Դանիել Վարուժան

## Գարնան անձրև

Դաշտերուն վրա իր տրտմությամբ համատող  
Անձրևը չէ՛ ասիկա:  
Գարնան ջաղքն է՝ որ ցանքերուն վրա անհուն  
Լուսացրնցող կտեղա:

Աստղերն անհայտ, կարծես հալած արևեն,  
Տեղատարափ կթափին,  
Եվ կլվան իրենց լույսին մեջ փաղփուն  
Անդաստաններն ու այգին:

Կապույտն հանկարծ կու լա բուռն ծիծաղեն,  
Եվ կտեղա ադամանդ.  
Կը լուսանան կույր աղբերակներն ու կ'երգեն  
Իրենց ծրնունդն արգավանդ:

Անհունն ի վար կհեղեղվին շառաշուկ  
Մեծ կաթիլներ շափյուղա,  
Լի արևով, ցրնծությունով, կապույտով,  
Ծիծաղներով սատափյա:

Մարգերը թաց կ'արտաշրնչեն գովություն...  
Կը լրվացվին գառնուկներ...  
Բո՛ւյրը հողին, հողին բո՛ւյրը, ծավալուն,

Կը լեցնե գյուղն ու եթեր:

Ու արտերո՛ւս, արտերո՛ւս մեջ քրտնաշատ

Իմ ցորյաններս համեցող

Նոր ուժերով հորդահոսա՛ն կըձյուղին

Կայլակներու մեջ ի լող:

Եվ մաքրված անտառին մեջ, այս պահուս,

– Ըստ իմ գյուղիս հեքիաթին –

Կձնի եղնիկը, գոտիին տակ ծիրանի,

Եզնորդ մը՝ նման լուսինին: